

曲阜縣志序

天下志乘之全責在史官勢必出一郡一邑之分見者基之顧其始事莫適爲主其鄉之士大夫曰非吾事也其守土之官曰吾事也然姑有待也且夫假尺寸之柄積歲月之久以成一書爲功似易然非老於文者或莫幾焉與其率然以從事毋寧待也而欲索之一旦難矣曲阜志凡數修皆孔氏惟孔毓堦所輯稿本未梓行前邑侯今遷濮州牧楚南潘君當鑾輿五幸

盛典續修之後慨舊志殘缺發憤圖之書成爲卷百體閱以正考據詳審其通編二十一卷兼編年分國之例尤善取材雖遷濮不以身去弛其志蓋未及三年凡四易稿而後授梓可

曲阜縣志序

一

謂敬事也已君自序猶虞其以速成或致疎畧夫歷代正史其在高下判然大捝得其人則鮮失不得其人則多失又專責之一人則易精分授之衆手則易舛不係成之久與近也惟志亦然君積學博文毅然以述作自命既親履

聖鄉又恭遇

聖天子時巡展義之盛會文獻大備典禮有徵於焉哀萃潤色以盡其才宜其取精多而成功偉矣聖蹟諸門舊志太畧闕里文獻考通爲詳核君書釐要孳綱互有增損又精於圖繪其藝文卽因事以附見志與家乘殊科言貴各有當耳嗚乎吏治競趨案牘則文事後矣前年東昌守胡君書集歷城志成予爲序之今又爲潘君序此蓋賢大吏撫綏有方守令所

至科條不擬用得單思古義奮文筆以備他日輶軒之采彬彬乎雅化也哉乾隆三十九年甲午夏五督學使者吾邨李中簡序

曲阜縣志序

二

曲阜縣志序

曲阜舊志肇輯於明嘉靖中藩僚孔宏幹厥後知縣孔宏復孔宏毅相繼增修

國初知縣孔衍淳又即舊板附刻已事其綱四曰土地人民政事文獻其目九十有二即今所存六卷三本者乾隆己丑冬孟相承之是邦吏以志進見其篇簡皆斷爛脫落文多漫漶不可識而於

本朝百有三十年之人事未及登載竊歎為一邑廢舉祇以當務有最先者不暇為辛卯春三月今相國金壇于公扈

蹕來檢古事覽志憮然顧謂君學道人茲要務也胡弗為相惶恐謝不敢當退伏念相以楚人自幼受書家塾即慕陳良悅

曲阜縣志序

周孔道為北學先長從劉瑤林先生之遊教以由洛閭問途洙泗顧以因循在再無由適魯已而入成均晤賢裔顏懋儒述遺蹟益切嚮往後以大司成保薦

命教琉球生會今衍聖公入朝謁文廟派相贊儀私喜如俗稱

得見小聖人越四年官福山又五年調茲邑渡洙泗拜林廟望魯故城謁周公及顏子祠見衍聖公晤孔止堂昆季暨各氏裔出所著易尊禮記釐編周禮撮要琉球入學錄諸書相質正幸得遂北學願適有侵尼山祭學田六年之訟奉飭會勘涉沂水過舞雩莫防林拜顏子墓瞻尼山顏母昌平山寓昌平鄉陬邑故里低徊十餘日疆理其田如額明年秋大修顏子廟冬又修周公廟少昊陵恭逢我

皇上五臨闕里行釋奠禮駐蹕三日

行宮尖營橋道以次虔修祭罷祭物依式敬備奉侍禮部太常寺卿貳泣肄禮樂從王大臣後祭各祠廟率官紳老民婦來迓嵩呼凡諸要務無細大皆蒙當事籌畫指使臚權祝釐仰邀

天顏豫悅大官遷秩晉銜俾我小臣亦不隕越貽羞蒙

恩加級賞緞疋大吏復計勞列優等記大功甚切感慚既而泰

刻

御製詩章恭送

欽頒周罷及銅供罷於各廟敬懸

御製少昊陵孔子廟顏子祠額聯自念何人逢茲盛軌脫以誦

曲阜縣志序

劣不文遠邇未遑舉

堯文之煥

帝典之隆與歷代

聖人重道崇儒之儀不敬恭紀錄上官之承流宣化及邑宰奉行之德刑典禮政事不以時編次聖帝明君賢人君子貞十烈女之事實不詳考登載地利肥饒食貨贏縮災祥休咎時代治亂民生休戚之所關不據實叙刻濫竽令長坐糜厚祿不一修舉廢墜重負知己望是益之咎也因不自揆廣求經史子集博覽各郡縣志商於衍聖公諸先後進備告兩學儒生各陳所見所聞所傳聞損義例就正於學使蕪湖章公命兒子承熾承燁承炳承焯及瑁黃鵬元分門排纂共傳贊

通編多命承焯屬草而自程以每日晨起閱案牘理民事之
後擲管輯修雖辦公會城查災武郡猶攜書簾以往甫就初
稿大中丞徐公奏委往署濮陽篆務務較劇諸兒請稍緩竊
念斯志一修於前尹孔毓琚稿未定而去官再議修于嚴文
典以陞桃源廳去削其草相既尸居四年無涓埃以裨補曲
人脫以易地謝非已責各此區區者而不以蕙事其若夙願
何乃仍以餘力修輯如初及奉檄赴都門獲以目例請裁定
於相國武進劉公今大司徒錢塘王公往反四月雨雪楊柳
邸館傳舍篝燈塗竄或至徹曙蓋四易稿始以付攻木氏而
已刻復改者尚數數焉噫嘻古昔名賢以平生之精力盡於
一書又得諸良友相與是正猶不免于牴牾而相以風塵支

重刊序

三

離上之不能於聖賢之體用窺尋什一次之不克從蘭臺巨
公講求良史之鴻裁下之又未獲廣延名儒相與商確裁訂
而顧以敲扑誼牒牒訴倥傯之餘未及三年以成是書而欲
其無僭踰訛謬疏畧淺陋之弊誠知其難也然而集史志之
例本儒先之論詳美善之行祛濫徇之失使夫後之賢宰得
有所據以考定增益則猶庶幾於萬一焉乃爲之標舉其綱
目

奎文二卷以尊

聖製次圖考二十二次倣歷史本紀綱目前編及歷城諸城安

邱諸志之法爲通編二十一次類記二十一次聖蹟二賢蹟

一次倣史記述孔氏宗子及東野氏四氏襲職以後爲世家

二列傳二十七而以闕疑補遺終焉其叙曰
天垂奎象聖人則之奎臨魯野斯文在茲惟

聖憲天惟

君作師行道明道萬世一時恭紀

奎文第一第二

思樂泮水奕奕新宮

天子駐罕以告成功清泉感沸古栢蒼葱億萬斯年萬仞齊崇

譚圖考第一

昔在金天定都崇阜亦越元公分茅開後道統之傳遙相授

受有恤闕宮遺墟不朽譚圖考第二

四尺崇封防山之北泗水卻流天開聖域聖宅舊區聖廟翼

重刊序

四

翼天地並參萬世無極譚圖考第三

於戲顏子陋巷門閭崇閣輪奐與聖爲徒惟曾及孟匪產茲

區而生居魯而沒依洙子孫世世爲四氏儒爲吾邑籍畛域

難殊載瞻林廟以次並圖譚圖考第四

魏魏尼邱誕毓大聖洙泗之間聖教以盛舊蹟長留書堂遙

並學水學山匪日吟詠仰之鑽之盡性至命譚圖考第五

天分奎婁地峙尼防秀靈鍾聚川澤洋洋高墉屹屹爰衛宮

墻捍城守土敬告銅章譚圖考第六

惟

聖尊聖靈麗用頒從周愜志犧象斑爛簠簋笙簧各以其班質

文兼脩萬舞攸嫺譚圖考第七至第十二

湖邑嘉名著于禮傳少昊之墟爰開魯甸報政遲遲尊親風
變惟王禮樂公廟用薦逮乎春秋因事而見譏通編第一

葵邱霸盛魯道愈衰會盟征伐奔命以疲政在大夫大柄內
移襄之末載國以不支譏通編第二

周室既衰諸侯擅柄天生聖人匡亂反正不遇明王老於歷
聘歌鳳泣麟亂靡有定魯以削亡秦楚之令魯縣更名卒歸

秦政譏通編第三

秦火焚坑聖孫遜逐漢祀太牢中天岐日表章六經天開漢
室賜邑封侯褒成薦餼爰及周公褒魯有秩大盜篡國爵以
俱失譏通編第四

漢官作郡荆棘始除褒成襲爵迺復故居地歸東海數駕屬

曲阜縣志序

五

車會朝祠祭悉索何如孝和之末始官孔澍相平相勅爰營
墓廬譏通編第五

魏遷龜鼎崇報亦優置官建廟宗聖封侯爰尊顏子配享也
占神明世胄丕踐厥猷中原雲擾乃棄先坵譏通編第六

元嘉之初始蠲廟戶樂用登歌八佾斯舉謠由魏人曰文聖
尼父爰及周公並奠清醑何獻雉獻烏塗毒編戶隋定縣名

亂離何怙圓朗稱兵益俾我痛譏通編第七

唐尊周孔並薦管蒞先師先聖以配以升瀛洲啟館聖裔偕
登乾封開元懋典不繩亦有賢宰奉顏豆登賊兵侵畧大節

峻嶒譏通編第八

聖者子孫多崇氣節亦顯于時輝其閭閻何天祐之初邁茲

顛蹶賊末不仁敢行篡逆誅止其身未單天罰譏通編第九

天開宋運奎聚五星聖道以顯不建廟庭觀風廣魯周孔禮
成感於老氏仙源改名景靈宮觀毒我蒼生譏通編第十

疑安大樂肇自仁宗洒掃林廟中戶是充肇新廟學毓聖崇
封九章之服追尊齊公御書殿榜百世猶崇荆舒何事裁省

尸工三經新義而頒學宮譏通編第十一

金源虎臣保茲聖墓衍聖襲封寢宮營度載錫閭名服冠卻
護配祀賢儒像設增塑彼寇之災燬茲楹樹物之苑枯亦各
有數譏通編第十二

大成加號至大之元崇封啟聖追溯洪源爰及元婉典禮攸
敦迺定四配舛蠶蠶繁尼山寢廟肇作墉垣簞瓢故宅有閭

曲阜縣志序

六

其門譏通編第十三

明祖崇儒錫公帶礪錫勅世官龍承帝制陋巷大宗及乎孟
裔初爰紳珩烝嘗罔替爰葺帝陵開其蒙翳守以熊羆蹲之

鼎廬譏通編第十四

相地建碑重輝聖宇不戒于災火炎梁柱既作新宮冠橫于
莽震盪廟庭戕焚士女移縣護防爰興百堵譏通編第十五

法以人更罷茲世職旋復其官慎遴賢德外史初修廟林齊
飭耳額請加鄉闈連陟西郭新祠歆茲黍稷譏通編第十六

於鏐

皇清

聖人首出定鼎開天先崇道術渥澤濃恩繁星麗日至聖尊稱

萬年祇遯謨通編第十七

於皇

聖祖至聖同符昌明大道恢廓前模光臨魯壁典重球圖周公

鬼餒亦侑饗孟祀田世秩不顯聖謨謨通編第十八

穆穆

憲皇五王晉爵諱名鳴龍振鐸火及杏壇

皇心愈恪重煥宮牆載新丹雘爰葺聖林鉅工並作天鑒敬誠

卿雲重焯謨通編第十九

惟

聖天子尊聖彌虔君師道合聞見知全隆儀繩武丕擴前編親

祠少皞金德廼傳辦香元聖惟道奉孝謨通編第二十

曲阜縣志

七

我

皇盡制易厥世官宜民通變濃澤霑覆五

臨洙水薄海騰歡于萬斯億翹仰

金鑾謨通編第二十一

百里彈丸村莊城邑神化過存山川有色謨類記疆土第一

土會土宜生財攸別利在因民愛養樽節謨類記物產第二

遺俗淳龐一變至道矧值重熙德風民革謨類記風俗第三

親民之職養之教之駿奔邊豆亦各有司謨類記職官第四

第五

薄賦輕徭淪肌浹髓免役蠲租加恩聖里謨類記賦役第六

教思無窮並興兩學霞蔚雲蒸道朔文祿謨類記學校貢舉

第七

備豫不虞以寧四境豈曰聖鄉而無冠誓謨類記武備第八

歲物豐成吉蠲為傳敬共明神黜其淫祀謨類記秩祀第九

惟軌度文

聖朝所定卿士庶民是藝是訓謨類記禮典第十第十一

世爵土田自天錫賚惠我兆民涵濡汪濊謨類記

恩例第十二第十三

鄉姓名區匪誇遊覽高山景行古人所感謨類記古蹟第十

四第十五

漢隸唐分集于所好六一諸編未殫厥奧謨類記金石第十

六第十七

曲阜縣志

八

為聖人後近聖人居難為言者其言何如謨類記者述第十

八

束皙補亡騷猶補楚集此歌詩惟其近古謨類記風雅頌第

十九二十二十一

知聖之難如蠡測海史記世家以誕獲罪敬法紫陽芟其煩

猥四配遺徽亦慎輯采謨聖蹟第一第二

先賢遺事眾說紛紜我遵今制敬識所聞謨賢蹟一卷

上公主嚳代永終譽世官博士各記其初謨世家第一第二

世病乎直人昧其和臧氏之子其如命何謨展氏列傳第一

伯兮齊姜仲也同譏卜僭而吉寶龜何知謨臧氏列傳第二

獻能幹蠱莊實象賢秉人之幹識聖之傳問仁問孝亦紹其

先譚孟氏列傳第三

溫溫穆叔知死之三胡沉于女而喪于男婦平牛禍亦挫虎
航寢齋祈死亂是用饒譚叔孫氏列傳第四

爲公室輔遂長三桓有靈兩社世保巨奸彼婦不逐孺子不
完自貽伊戚城輦空歎譚季氏列傳第五

胙非兄惡它肖父賢著聞于國以永其傳譚叔氏子服氏列
傳第六

政在世卿適運賢路忠義枕戈莫回天步譚子家前後諸人
列傳第七

專門經學各有師承斯文未喪賴此諸生譚周漢諸儒列傳
第八

曲臺縣志序

九

敬于擁盾伋伋左軍穿石敵木屹屹皇墳伐柯操斧世紹前
聞譚孔樹孔藜孔臧孔琳列傳第九

秦焰既熄魯壁初開金絲響震蝌蚪書廻以今譬古天啟風
雷勝于巫蠱用埃後來譚孔安國孔建孔豐孔僖孔季彥列
傳第十

吉保皇孫丹衛太子閉戶全生伏蒲請死陰德顯功侯封累
祀譚丙吉史丹列傳第十一

游俠之徒曰知變節孟坐祇言以要鈇鉞雲憤其窮猛於訕
計折檻勿修幸迹鯨剛譚睦孟朱雲列傳第十二

赫赫太師明經飭行履蒲思謙憂心怲怲遜於不虞以保天
命譚孔光列傳第十三

君魚幹蠱儒立頑廉孫曾衣德高位嚴嚴逢時之否比於談
僉一麾作郡有口皆稱譚孔奮孔奇孔嘉孔鯀孔扶列傳第
十四

太山著勞北海齊美兄邁屯難弟遭否匪登李龍門脫卓虎
尾拯劉于厄辨楊之誹不避鄰蜚以陷曹鬼郭覆巢傾毒哉

蛇虺譚孔宙孔翊孔彪孔褒孔昱孔融列傳第十五

顏宗南渡遂徙于西文章斐蔚分軌合軛令生避死其志迺
際譚顏延之顏竣顏見遠顏之儀列傳第十六

去聖既遙羣言紛亂惟孔顏孫同心仰鑽考訂疏明示我道
岸譚顏師古孔穎達列傳第十七

曲臺縣志序

十

山再招畔逆適構災忠譚顏杲卿顏真卿孔巢父列傳第十
八

德行先孝有大中小友于敦睦皆民之表譚孝義列傳第十
九

仁人志士視死如歸股肱力竭捐命揚徽譚忠義列傳第二
十

易稱嘉遯詩詠考槃高尚其事不刺素餐譚隱逸列傳第二
十一

獨行之士爲世難能志其高誼亦傲骨優譚卓行列傳第二
十二

爲逐雀鵲爲朝陽鳳義取回天以直以諷譚言語列傳第二

十三

維屏惟藩爲憲文武我思古人邵棠卹兩譔節鎮監司列傳

第二十四

師帥吾民承流宣化治以烝烝考惟下下譔守令列傳第二

十五

見智見仁惟其所取寢饋六經以窺戶牖譔經學列傳第二

十六

輪轅從飾矧此虛車篤其實者以藝致譽譔文苑列傳第二

十七

爵爲選首稽古之榮不貪溫飽不負科名譔高第列傳第二

十八

曲阜縣志序

士

桓桓都署丕肅軍容挽強善射肇敷戎功豹韜龍節有韞王

公提師西鄙載績英風譔張進王澄列傳第二十九

我思賢尹作宰維桑恩威兼濟永世不忘我從其後瞻乎遙

望譔縣尹列傳第三十

建學立師非云養老卓矣導江舍經味道秘淑問風亦抒懷

抱縣學範模誰與徵考譔學師列傳第三十一

小道可觀爰存群伎何以神奇精專之至譔方伎列傳第三

十二

女子無儀其儀不忒禮法仁賢爲閨閭則譔賢淑列傳第三

十三

未婚守義是謂幽貞異室同穴奇行足旌譔貞女列傳第三

十四

從容蹈火憤激沉河殉夫之烈亦振頽波譔烈婦列傳第三

十五

恒其德貞義惟從一日未亡人有如勝日譔節婦列傳第二

十六

詩吟壽母矧日期頌

國家之慶以享純禧譔貞壽列傳第三十七

徵文考獻先孔氏書次諫顏孟東野所寓哀于經史慎記其

餘怪神不錄仙佛用祜郭公夏五例亦闕如惟虞鑒妄見斥

橫渠譔闕疑一卷

凡此志書發凡起例文附事傳非云選藝矧厥多文有言皆

曲阜縣志序

士

贅體要斯崇繁蕪用雅惟我憊愚見聞莫逮異地殊時網羅

滯泥或昧其元而捐其細誰與補之敬竊後世譔補遺一卷

皇清乾隆三十九年歲在甲午春正元日

賜進士出身奉直大夫濮州知州前曲阜縣知縣潘相敬撰

曲阜縣志目錄

卷一 恭紀
奎文卷二同

聖祖仁皇帝御製文

世宗憲皇帝御製文

今皇帝御製文

卷二

聖祖仁皇帝御製詩

曲阜縣志目錄

世宗憲皇帝御製詩

今皇帝御製詩

卷三 以下闕考

古泮池

行宮

卷四

少昊陵周公廟

卷五

啟聖王林至聖林廟

卷六

顏曾思孟林廟

卷七

尼山書院洙泗書院

卷八

縣境縣城

卷九

曲柄黃蓋 鎮圭 法琅銅香鼎 法琅香盒 法琅

燭臺 法琅花瓶松竹梅 金龍朱漆几

卷十

周木鼎 周亞尊 周犧尊 周伯彝 周冊卣 周

蟠夔敦 周寶簠 周夔鳳豆 周饗簠 周四足

鬲

曲阜縣志目錄

卷十一

爵 登 銅 簠 簋 豆 簠 俎 尊

卷十二

庵 夾鍾鎛鍾 南呂鍾 編鍾 夾鍾特磬 南

呂特磬 編磬 琴 瑟 排簫 簫 笛 篪 笙

塤 鼓 搏拊 祝 敔

卷十三

節 簫 羽

卷十四

香鼎 花瓶 燭臺

卷十五 以下通編

起周武王十三年盡惠王二十五年

卷十六

起襄王元年盡靈王二十年

卷十七

起靈王二十一年盡秦王政二十四年

卷十八

起秦始皇二十六年盡西漢之末

卷十九

起東漢光武建武元年盡獻帝建安二十五年

卷二十

起魏黃初二年盡晉元熙二年

曲阜縣志目錄

三

卷二十一

起宋永初二年盡隋大業十三年

卷二十二

起唐高祖武德元年盡元宗天寶十五年

卷二十三

起肅宗至德二年盡五代周顯德六年

卷二十四

起宋太祖建隆元年盡真宗乾興元年

卷二十五

起仁宗天聖元年盡欽宗靖康元年

卷二十六

起高宗建炎二年盡元成宗大德十一年

卷二十七

起武宗至大元年盡順帝至正二十七年

卷二十八

起明太祖洪武元年盡英宗天順八年

卷二十九

起憲宗成化元年盡世宗嘉靖四十五年

卷三十

起穆宗隆慶元年盡莊烈帝崇禎十六年

卷三十一

大清

曲阜縣志目錄

四

世祖章皇帝順治十八年

卷三十二

聖祖仁皇帝康熙六十一年

卷三十三

世宗憲皇帝雍正十三年

卷三十四

今皇帝乾隆元年至二十年

卷三十五

今皇帝乾隆二十一年至萬萬年

卷三十六 以下類記

疆土 里至 村莊 星野 形勝 城池 街巷 學

卷三十七

物產五穀 果蔬 竹木 瓦片 藥材 羽毛 蠶

卷三十八

風俗 節序 風

卷三十九

職官一 知縣 四氏學教技 李錄 儒學教諭 訓

卷四十

職官二 翰林院 五經博士 太常寺博士 尼山書院

六品官 奎文閣典簿 司樂 守備 林廟 戶 世襲

卷四十一

曲阜縣志目錄

五

賦役

卷四十二

學校貢舉 四氏學 縣學 教諭 儒以首科目 進

恩廩 恩貢生 歲貢生 武科 縣貢生 優貢生

卷四十三

武備 里馬

卷四十四

秩祀社稷 神祇 先農壇 文廟 關帝 名宦都

聖廟 入婚廟 大神廟 東嶽廟 邑廟 先龍神 祠城

公廟 司工之神 廟土地 馬神 文昌宮 報帝祠

卷四十五

禮典一

皇帝釋奠先師之禮

視學之禮

巡幸之禮

幸魯講學之禮 祠祭之樂

回鑾之樂

車駕出入樂章

賜衍聖公燕樂章

皇帝詣聖墓前奠酒儀

遣皇子祭告儀

遣郡王祭告崇聖祠儀

曲阜縣志目錄

六

遣官酌酒啟聖王墓前儀

皇帝親祭少昊陵儀

遣官祭少昊陵周公廟儀

遣官祭顏子廟儀

卷四十六

禮典二 衍聖公丁祭儀 地方官丁祭儀 迎春禮

慈幼之禮 鄉飲酒之禮 旌表節孝禮 敬老之禮

卷四十七

禮 喪禮 祭禮 續生規制

卷四十八

恩例一 祭田 集稅 廟戶 禮生 樂舞生 封贈

恩例二 優卹諸生 養老 保息 荒政

卷四十九

古蹟一

古帝廟魯聖里林廟聖像壁書
硯履車懸甕古書歆罷鼎五尊
石儀無字碑喬木

卷五十

古蹟二

靈光殿景靈宮義門中丞宅虛白堂
圓亭遺琴遺笏冢墓坊表廢廡

卷五十一

金石一

漢五鳳石刻銅尺百石卒史碑謁孔廟
碑孔謙墓碣禮罷碑孔宙碑史晨碑
孔彪碑孔爽碑

卷五十二

金石二

魏孔子廟碑北魏魯郡太守碑東魏孔子
廟碑北齊夫子廟碑隋孔子廟碑唐孔
子廟碑元碑十六明碑二十
金碑四

曲阜縣志目錄

七

國朝碑一 石刻

卷五十三

著述

經史子集

卷五十四

風類

卷五十五

雅類

卷五十六

頌類

卷五十七

聖蹟

至聖先師孔子

卷五十八 聖蹟

顏曾思孟

卷五十九 賢蹟

孔門弟子七十九人

卷六十 世家

孔氏宗子

卷六十一 世家

東野氏 顏氏 曾氏 孔氏奉述聖祀事 孟氏

卷六十二 以下列傳

展氏

卷六十三

曲阜縣志目錄

八

臧孫氏

卷六十四

孟孫氏

卷六十五

叔孫氏

卷六十六

季孫氏

卷六十七

叔氏子服氏

卷六十八

臧仲 申繻 曹翺 里華 冶區夫 閔馬父

家驊伯榮成伯家臣委 周望 宰質
睢 宛春 杭汜 犁鉏 南宮邊子 公儀休蘇巴

卷六十九

橋庇 周彌 夏侯都尉 馮賓 夏侯始昌 夏侯
勝 夏侯建 曾申 孟仲子 毛亨 申培 許生

白生 穆生 穀梁赤 榮廣 皓星公 顏安樂

高堂生 閭邱卿 徐生 夏侯敬 制氏 扶卿

卷七十

孔樹 孔萊 孔臧 孔琳

卷七十一

孔安國耶驪衍立元 孔建仁 孔豐 孔僖長彥 孔季彥

曲阜縣志目錄

九

卷七十二

丙吉 史丹

卷七十三

畦弘 朱雲

卷七十四

孔光

卷七十五

孔奮 孔蒨 孔鮒 孔扶

卷七十六

孔宙顯彪 孔褒 孔昱喬 孔融文郁 孔清

卷七十七

顏延之 顏竣魯 顏延之 顏竣

顏延之 顏竣

卷七十九

顏杲卿泉明 顏真卿 孔巢父

卷八十

顏丁 顏盛 仲時譽 顏舍 顏髦 孔愉 蓋傳

韓靈珍 顏協 顏之推 顏衍 東野宜 顏翽

孔彥輔 孔攸 孔克仲 孔士份 孔信 孔公

鉉 孔承夏 孔開論 孔承懿 孔承厚 顏存信

陳炯 顏嗣溫 孔弘轉 孔弘實 孔貞稔 毛

曲阜縣志目錄

十

搏霄 顏伯璵 孔衍振 孔尚錦 孔衍初 顏光

朝 孔興永 孔毓頴 孔毓珍 孔貞鉉 孔貞燦

支文烈 魏嘉祚 桂枝琴 陳大猷 王承訓

孔毓琮 孔尚鑄 孔興浩 魏儀 孔博鈺 孔衍鈺

卷八十一

孔德紹 孔宗旦 顏瑜 孔承浦 馬鑄 何世臣

孔士霍如梓 孔問籍 孔貞璞 顏孕紹 孟承光

孔興聖興燦 孔衍儒

卷八十二

顏闕 公儀僭 黔婁 孔淳之 孔嗣之 孔祐

孔道徽 孔摠 韓準 裴政 張叔明 陶沔 孔述唐

東野子儀 孔公驥 孔公卿 孔貞灼 孔駒猷

卷八十三 卓行

魯男子 顏叔子 孔群 孔祇 孔琇之 顏春卿

顏允南 季償 顏太初 孔端隱 東野瑀 孔

思友 孔公田 孔公郁 孔公怡 孔闡檀 孔宏

蘊 孔聞舉 顏伯執 孔貞璠 孔貞良 馬伶

周宗武 孔傳梅 顏紹錫 紹錫 孔傳相 顏紹賢

卷八十四 言諒

孔坦 孔琳之 孔奐 孔植 孔載 孔道輔 孔

宗翰 孔思迪 孔思立 孔訥 魏紳 孔公恂

孔聞詩 孔興紆

曲阜縣志目錄

上

卷八十五 節義監司治蹟

孔靖 孔休源 孔戮 孔戢 孟麟 孟鳳 黃子

美 孔聞諫 魏肯構 孔興洪 孔興璉 孔毓珣

孔繼洞

卷八十六 命令治蹟

孔觀 孔靈符 顏游泰 顏允臧 孔昌寓 孔括

孔承恭 孔勛 孔元敬 孔彥祿 孔闡定 孔

公才 孔尚則 孔貞來 魏煜如 孔衍洪 黃敬

璣 李允徵 孔興翰 顏伯珣 顏光昌 陳見智

顏光是 孔尚惺 呂坊之 孔尚基 顏肇維

孔傳樞 顏肇亮 孔傳熹 孔傳堂

卷八十七 經學

孔猛 孔衍夷 顏欽 孔賢 孔若思 季讓 顏仲昌

顏復 孔傳 孔元龍 孔端甫 孔之載 孔之

謹 孔思睿 孔謬 孔論 孔公恪 孔希永 孔

彥倅 孔承嗣 孔聞納 孔衍樟 孔尚珥 孔貞

瑄 顏光猷 顏光敏 孔尚任 顏光牧 顏紹繼

卷八十八 文苑

劉琰 孔珪 顏思魯 顏晃 孔紹安 顏相時

顏勤禮 顏昭甫 顏元孫 顏惟貞 孔希恭 孔

彥臣 孔宏頡 賈應龍 孔聞詩 孔衍枳 顏懋

倫 顏懋僑 顏懋企 顏懋价 陶湘 孔毓鈞

曲阜縣志目錄

上

卷八十九 鼎甲

顏康成 孔策 孔溫業 孔敏行 孔振 孔拯一

孔繼 孔緯 黃孫懋

卷九十 武功

張進 王澄

卷九十一 邑令

孔克欽 孔克中 孔希範 孔讓 孔燮 孔公鏗

孔克珪 孔宏復 孔貞叢 孔聞簡 孔貞堪

孔尚倫 孔衍淳 孔興認 孔衍澤 孔毓琚 孔

傅松 張若本

卷九十二 學博

李博

張頤	孔思逮	張敏	裴侃	孔克晏	江湜	孔
克晏	孔公瑛	湯中允				
卷九十三	方伎					
匠師慶	卜楚邱父	梓慎	東野畢	巫官變	師	
梓	師襄	魯石公	公輸子	梓慶	公孫	
卷九十四	賢淑					
孝義保列女						
卷九十五	貞女					
顏文姜列女						
卷九十六	烈婦					
宋伯姬列女						
卷九十七	節婦					
陶氏列女						
卷九十八	青婦					
賈倪氏列女						
卷九十九						
闕疑						
卷一百						
補遺						
曲阜縣志目錄終						

曲阜縣志卷之一

奎文第一之一

聖祖仁皇帝御製文

幸魯盛典序

朕惟自古帝王聲教翔洽風俗茂美莫不由於崇儒重道典學右文用能發詩書之潤澤宣道德之闡與推厥淵源皆本洙泗以故追崇之典歷代相仍或躬詣闕里修謁奠之儀潔志肅容盡誠備物其間禮數隨世損益至於希風服教百代式型異世同揆莫之或二猗歟盛矣朕臨御以來垂三十載瀾危微之統緒念生安之聖哲恒慮涼薄未克祇承用是夙夜亶心孜孜不倦惟我至聖先師孔子配天地參陰陽模範

曲阜縣志卷一 奎文

百王師表萬禩朕每研搜至道涵泳六經覺憲章祖述刪定贊修之功日星揭而江河流私心嚮往竊有願學之志焉乃者東巡踰泰岱涉泗沂遂過闕里親行釋奠得瞻廟貌仰聖容以爲德盛功隆欽崇宜極凡厥典禮有加前代又親製文辭手寫以樹之貞石務用導揚至教風示來茲夫緬懷襄哲繼躅前賢猶思睹其物采接其居處况先師遺風餘烈久而彌新重以朕之寤寐羹牆儼乎如見及過杏壇相圃之閒山川儼然檣楫如故彷彿金石絃誦之聲聞於千載而上流連往復不能自已也衍聖公孔毓圻上疏陳謝且以禮儀隆重并直一家榮遇請修幸魯盛典一書朕既可其奏久之書成復請敘言以冠其端朕萬幾餘曷敢勉弗違實欲默契先師

尊聞行知於以阜物誠民風同道一庶幾躋世運於唐虞尊治術於三古是書也豈徒使天下後世知朕於先師欽慕無已如此且愈以見聖人之道覆幬羣倫苞毓萬象卽凡車服禮器之遺皆足令人感發而興起也故賜之序

孔子贊併序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者動業炳於一朝明道者教思周於百世堯舜文武之後不有孔子則學術紛淆

豐縣志卷一

奎文

二

仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬搦筆而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰美艸可晤孔子之道惟中與庸此心此理千聖所同孔子之德仁義中正秉葵之好根本天性庶幾夙夜助哉令圖溯源洙泗景躋唐虞載歷庭除式觀禮器攜毫仰贊心焉遐企百世而

上以聖爲歸百世而下以聖爲師非師夫子惟師於道統天御世惟道爲寶泰山巖巖東海泱泱泱泱高萬仞夫子之堂孰窺其藩孰窺其徑道不遠人克念作聖

顏子贊

聖道蚤聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

豐縣志卷一

奎文

三

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭愼獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

古檜賦併序

孔子手植檜在杏壇之側金貞祐間無復存矣元至元三十年再茁故處明弘治間又燬於火今所遺者不枯不榮屹立

霜露而秀色獨異撫摩久之乃作賦曰維榘材之靈質實鈞化之所鍾標扶輿之奇峙時先聖之故宮涵元氣以不朽與至道而俱崇爾其黛幹蒼柯濯濯鶴骨初扶霜鱗未作儼茁軋以方舒類鴻荒之忽鑿謝繹采於春華完淳風於太樸天矯拂勃星臨露滴枝無取於樛樛葉全稀於撼撼夕飈度兮弗驚朝旭烘兮如滌伊閒氣之潛滋惟神爽之咸集徘徊延卻宛轉斷連蟠屈兮若份羽之在列聳削兮若篁虛之待懸則有榮以崇封沃以膏壤方以周闡角以文礫足縮心獻目給神賞蘿煙奪翠松籟失響於是楷因之而擢穎著感之而抽莖爭葳蕤於絃誦之里齊扶踈於禮樂之庭朝菌慚兮一旦大椿讓兮千齡上沂真宰之功遠契無爲之代均雲

豐縣志卷一

奎文

四

行兮雨施等乾始兮坤載疇則出混茫之中而居耳目之外與三才以並植綿歷禩其長在亦有扶桑海表若木山嶺東瀛西極揭曰摩天迹雖誇於神異植非出於文宣宜嗟乎其後矣邈無得而稱焉

闕里孔子廟碑

朕惟道原于天弘之者聖自庖犧氏觀圖畫象闡乾坤之秘堯舜理析危微厥中允執禹親受其傳湯與文武周公遞承其統靡不奉若天道建極綏猷亶乎何矣孔子生周之季韋布以老非若伏羲堯舜之聖焉而帝禹湯文武之聖焉而王周公之聖焉而相也歸然以師道作則與及門賢哲紹明絕業教思所及陶成萬世是伏羲堯舜禹湯文武周公之統惟

孔子繼續而光大之矣開嘗誦習詩書之所刪述大易之所演繫春秋之所筆削禮樂之所修明本末一貫根柢萬有殆與覆載合其德日月並其明四時寒暑協其序焉故曰仲尼之道一天道也朕敬法至聖景仰宮牆嚮往之誠弗釋寤寐歲甲子十有一月時邁東魯躬謁曲阜展修祀事復謁聖墓循撫松栢儀型在望優乎至德之親人也朕忝作君啓闢下民深惟夫子師道所建百王治理備焉含是而圖邇隆易所依據哉因勒文於石彰朕尊崇聖教以承天治民之意系以辭曰遐哉三五維辟之式於皇尼山師道允植天畀木鐸覺彼羣生百行以正六籍以明賢遇唐虞聖則河洛綏和動來文博禮約鳳衰雖歎麟德感祥學昌洙泗統歸素王炎漢崇

豐縣志卷一

奎文

五

儒太牢用享厥後賢君高山是仰予懷至聖蒞彼東方音徽云邈道德彌光鬱鬱堊林義幾祠殿企慕安窮羹牆如見泰岱匪高東海匪深敬仰懿軌終古式欽

重修闕里孔子廟碑

朕惟大道昭垂堯舜啓中天之聖禹湯文武紹危微精一之傳治功以成道法斯著至孔子雖不得位而贊修刪定闡精義於六經祖述憲章會衆理於一貫爲往聖繼絕學爲萬世正人心使堯舜禹湯文武之道燦然丕著於宇宙與天地無終極焉誠哉先賢所稱自生民以來未有盛於孔子者也往歲甲子朕巡省東方躬謁闕里登聖人之堂祇將祀事賻其車服禮器金石絃歌蓋徘徊久之不能去焉願聖廟多歷年

所丹腹改色榱桷漸圯用是愀然於心特發內帑專官往董其役鳩工庀材重加葺治經始於辛未之夏事竣於壬申之秋廟貌一新觀瞻以肅蓋深惟孔子之道垂範今古朕願學之志時切於懷每考天人性道之原修齊治平之要思以遠紹前緒牖迪生民凡所以尊崇褒顯者靡不隆禮竭誠以將景行仰止之意而况廟庭之地尤爲聖人神明所憑依者哉今者登堂而陳俎豆入室而習禮儀管構既堅采章彌煥庶幾於朕心深有慰焉用是特遣皇子允祉敬展禋祀以告落成凡我臣民瞻仰宮牆倍增嚴翼尙益思敦崇德義砥礪倫常以不負朕尊師重道之意豈不休歟因勒貞石系以辭曰麟書啓瑞素王挺生上律下襲玉振金聲範圍百代陶甄萬類道備中和德參天地立型垂訓師道昭宣象懸七曜海納百川曩巡東魯臨河登岱戔戔尼山羹牆斯在虔恭展謁至德是欽宗風溥博教澤闊深洙泗之陽殿寢翼翼上棟下宇神靈安宅冬官特飭締造維新宏規大啓肅奉明禋聖人之居永以觀德千載傳心四方式則

周公廟碑

世運代嬗隔越千載則必有神哲挺生其間以承大統以作名世惟公體上聖之質紹祖考之德孝友篤仁左右寧王厥勲爛矣及乎負展能以勤勞寅恭俾大忠信之道翼贊其君太和洽而頌聲作焉夫功莫大于致治綏邦業莫隆于制禮作樂公身兼數器開物成務其麗鴻炳燦之烈既已載于詩

曲阜志卷一

奎文

六

書志諸史刪至于黜又辭定官禮撰爾雅出言爲經又何難窮也昔孟子論列古帝王至于公門兼三王施四事而韓愈亦歷敘堯舜禹湯文武以至公懿道統之傳如此豈僅以治理之彰彰者與遙想風徽官公遺廟俾昭也擇於無窮既命有司新公廟貌希慕之餘勒石頌德而繫之以詩詩曰遠古民樸混混沌茫列聖經綸肇軒迄商敘厥倫紀賁以承章公監二代揆時立制有因有除禮明樂備體國經野成理萬彙集武之勳紹文以孝代成誠民並孔立教爲子爲臣是則是效宗邦綿歷忠厚所貽貞珉載鐫作頌致思鳬嶧同時億禩爲期

孟子廟碑

曲阜志卷一

奎文

七

自王迹熄於春秋聖人之道或幾於泯滅卒之晦而復明歷千百世而不敝者特存孔子也孔子沒百有餘年浸假及于戰國楊墨舉路禍尤烈于秦時于與氏起而闢之于是天下之人始知誦法孔子率由仁義斯道之傳至于今賴之是以後世學者如韓愈蘇軾之徒咸推其功以配大禹而闢洛之儒咸尊爲正學之宗傳烏序盛已夫洪水之禍止于人身已爾楊墨之禍隱然直中于人心不有孟子使楊墨濫觴于前釋老推波于後後之人雖欲從千載之下探尼山之遺緒其孰從而求之因推述厥義刻文于石俾揭于鄒之廟其文曰尼聖既往復矣音徽後百餘歲聖緒浸微尙異實繁楊墨競煽陷溺之禍酷于昏塗惟于與氏距彼放淫以承先聖以正